



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Dies dedicationis templi extra Coloniam, uno die ubique celebrandus; &
quomodo sit admonendus populus. 11

urn:nbn:de:hbz:466:1-14298

*Jps de v.
Jacob. ult.
3 Reg. 17.*

populus, divina institutione admonitus, clementiam Dei exoret, quo pestes, clades, calamitates, fames, bella, & id generis adversa, quæ nobis justissimo Dei iudicio ob peccata nostra infliguntur, ac sub id anni tempus, nempe Veris (quum bella emergere, atque terra fructus, qui tum in flore atque teneri adhuc sunt, facile corrumphi solent) potissimum imminent, avertat & tollat. Ut autem Ecclesia fiduciam erga Deum (quam orantes ac petentes habere necesse est) tum in nobis adaugeat, Heliam proponit, hominem nobis similem & passibilem, qui oratione oravit ut non plueret super terram, & non pluit annos tres & menses sex; & rursus oravit, & caelum dedit pluviam, & terra dedit fructum suum. Quod si filius Helias, petens, exauditus est, num Christus Ecclesiae suæ preces aversabitur? Hic interim populus docendus est, quod non solum quæ animi, sed & quæ corporis & externa bona sunt, a Deo omnium autore postulare oporteat: & redarguendi illi, (haud ita multo, quam gentes, meliores,) qui vel fortunæ, vel suæ industriae, bona temporaria accepta ferunt.

CAP. VIII. *Processiones intra septa Ecclesiarum peragendæ.*

Marc. II.

Qvod Processiones per agros & campos peraguntur, rationem quidem habet; nempe quod populus oret, ut segetes ac fruges terræ a Domino conserventur. Verum, ut alia plurima, ita & hic mos, hominum malitia, depravatus est; quod per occasionem talis deambulationis, quæ Deo placendo erat instituta, pleraque sceleris committantur. Quamobrem Nobis satius videtur, ut haec alia supplications ac Processiones, de cætero intra septa Ecclesiarum religiose fiant, ac ut in templo, loco precationibus peculiariter dedicato, oretur Deus, habeaturque tum pius, rei ac temporis conveniens, ad populum commonitorius sermo. Nostris tamen Suffraganeis liberum relinquimus, ut ipsi in suis Diocesis de hac re, ut mores regionis patientur, dispiciant.

CAP. IX. *Admonendus populus, cur feriae institutæ.*

Apoc. I.

Diligenter quoque populus admonendus est, cur feriae, & potissimum dies Dominicus, qui à temporibus Apostolorum in Ecclesia Dei semper celebris fuit, instituta sint. nempe, ut tum in unum omnes pariter convenirent ad audiendum verbum Domini, ad audiendum quoque Sacrum, & communicandum; breviter, ad vacandum Deo soli, ut dies illa tantum orationibus, Hymnis, Psalmis, & Canticis spiritualibus transfigatur. Hoc enim est sanctificare sabbatum.

Ifa. 1.

I Cor. 3.

August.

Aug. 3.

*c. Sicut
non alti. c.
Missarum
solemnitas.
c. Ecclesiæ
de conf.
diss. I.*

vinum

CAP. X. *In feriis soli Deo vacandum.*

Q Vamobrem cupimus, hisce diebus prohiberi nundinas, claudi cauponas, vitari comedationes, ebrietates, sumptus, lites, lufus improbos, choreas plenas infamias, colloquia prava, cantilenas turpes; breviter, omnem luxum. Nam hisce &, quæ hæc fere semper consequuntur, blasphemias ac perjurias, nomen Domini prophanatur, ac sabbatum (quod nos admonet, ut quiescamus perverse agere, & benefacere dicamus) contaminatur.

CAP. XI. *Dies dedicationis templi, extra Coloniam, uno die ubique celebrandus; & quomodo sit admonendus populus.*

E T, quum in diebus festis, qui dedicationi Ecclesiarum peculiariter dicati sunt, plerunque indigna committantur, adeò ut videatur populus tum potissimum comedationis cœla conveneri: visum Nobis est, ut per Dioceses Nostras, uno certo die anni, quo ejusmodi festum dedicationis in Metropolitanâ Nostra colitur, in reliquis quoque Ecclesiis omnibus, extra Civitatem nostram Coloniam Agrippinam constitutis, observetur. Nam intra Coloniam summo Nostro templo suus honos constare debet; quod & in aliis oppidis insignioribus, ubi una cæteris Ecclesiis præeminet, obtinere placuerit; videlicet, ut ibi minores Ecclesiarum pridie ejus diei, qui dedicationi Ecclesiarum summæ jus loci consecratus est, aut die Dominico proximo præcedente, suas singulæ dedicationes celebrent, observeatur. Docendus autem est populus, dedicatione templi significari dedicationem Ecclesiarum Catholicæ ac cuiuslibet hominis Christiani, qua copulatur Deo. Nam, ut divus Augustinus ait: Quotiescumque templi festivitatem colimus, si fideliter ac diligenter attendimus, & sancte & iuste vivimus, quicquid in templis manu factis agitur, totum in nobis spirituali ædificatione completur. Non enim est mentitus ille, qui dixit: Templum enim Dei sanctum est, quod estis vos. Et iterum: Nescitis quia corpora vestra templum est Spiritus sancti?

CAP. XII. *Cur Templa & Altaria consecrentur.*

E X vetustissima institutione & more receptum est, Templa & Altaria, & pleraque alia, quibus in templis ad excitandum fidelium animos, & divinum cultum explendum, utimur, consecrari, solemnibusque precibus ac benedictionibus dedicari Deo. quod in veteri quidem Testamento præceptum etiam di-

UNIVERSITÄTS-
BIBLIOTHEK
PADERBORN